

字書曰心脾肝肺腎爲五臟小腸胃膽大腸膀胱命門爲六腑

永平正法眼藏涉典錄卷五尾

永平正法眼藏涉典錄卷六

遠孫相州老梅菴王瑞方面山謹集

第五十一龍吟卷

投子枯木龍吟

傳燈卷十五投子章出

香巖龍吟

碧岩第二則頌評出

宮商五音

字書云史樂書聲成文調之音說文聲生於心有節於外謂之音宮商角徵羽擊也金石絲竹匏土革木

音也

第五十二祖師西來意卷

香巖上樹

宏智拈古第七則出

第五十三發無上心卷

雪山喻大涅槃 心心如木石

古尊宿錄第一百丈懷海禪師錄云，祇如今心如虛空，相似學始有所成。西國高祖云，雪山喻大涅槃。此上，初祖云，心心如木石。三祖云，兀爾忘緣。曹溪云，善惡都莫思量。先師云，如迷人，不辨方所。肇公云，閉智

塞聽，獨覺冥冥者矣。文殊云，心同虛空，故敬禮無所觀，甚深修多羅，不聞不受持。已又大涅槃經卷三十，二師子吼品云，第七人者，發意欲度生死，大河斷善根，故於中沈沒，親近善友，獲得信心，得信心，已是名為出，以信心，故受持讀誦書寫解說，并二部經，為眾生，故廣宣流布，樂於惠施，修習智慧，以利根，故堅住，信慧心，無退轉，無退轉已，即便前進，既前進已，得到彼岸，登陟高山，離諸恐怖，多受安樂，善男子，彼岸山者，喻於如來，受安樂者，喻佛常住，大高山者，喻大涅槃云云。

夢中發心

華嚴經大疏第四經普眼現見主山神得令一切衆生乃至於夢中增長善根解脫門疏若睡若寤皆令聞法進行斯爲佛業如大瓔珞經說過去有佛凡欲說法令大衆眠夢中說法令增長善根覺得道果涅槃亦云其人夢中見羅刹像等亦表萬法皆夢大夢之夜必有大覺之明云云

漿水施佛

大智度論卷八曰昔佛在世時佛與阿難從舍婆提城向婆羅門城時婆羅門城王屬外道聞佛欲來即

立制限若與佛食共佛語者當罰金錢五百文後佛來到入城乞食人皆閉門佛與阿難空鉢而出見一老婢持破瓦器盛臭泔涎出門棄之見佛相好空鉢而來心念欲施佛知其意申鉢從乞所棄泔涎婢即淨心持來施佛佛受施已語阿難言此婢因施十五劫中天上人間受福快樂不墮惡道後得男身出家學道成辟支佛

一搏食施衆生

大論三十二曰如舍利弗以一鉢飯上佛佛即迴施狗而問舍利弗沙以飯施我我以飯施狗誰得福多

舍利弗言如我解佛法義佛施狗得福多舍利弗者於一切人事智慧最上而佛福田最爲第一不如佛施狗惡田得福極多以是故知大福在心不在田也如舍利弗千萬億倍不及佛心

供養五莖華

瑞應本起經上曰我爲菩薩時名曰儒童幼懷聰慧志大包弘隱居山澤守玄行禪聞世有佛心獨喜歡被鹿皮衣行欲入國道經丘聚聚中道士有五百人菩薩過之終日竟夜論道說義師徒皆悅臨當別時五百人各送銀錢一枚菩薩受之入城見民欣然忽

忽平治道路洒掃燒香即問行者用何業故行人答曰今日佛當來菩薩大喜自念甚快今得見佛當求我願語頃王家女過厥名瞿夷挾水瓶持七枚青蓮華菩薩追而呼曰大姊且止請以百銀錢雇手中花女曰佛將入城王齋戒沐浴花欲上之不可得也又請曰姊可更取求雇二百三百不肯即探囊中五百銀錢盡用與之瞿夷念華極直數錢乃雇五百貪其銀寶與五莖花自留二枚迥別意疑此何道士披鹿皮衣裁蔽形骸不惜銀錢寶得五莖華憮怡非恆追呼男子以誠告我是華可得否者奪卿菩薩雇曰買

華從百錢至五百。既自交決，何宜相奪？女曰：我王家，人力能奪卿。菩薩匿然曰：欲以上佛求所願，耳瞿夷曰：善願我後生常為君，毒好醜不離，必置心中。令佛知之。今我女弱，不能得前請，寄二華以獻於佛。菩薩許焉。須臾，佛到國王，臣民皆迎拜謁。各散名華，悉隨地。菩薩得見佛前，散五莖花，皆止空中。當佛上如根生，無墮地者。後散二花，又挾住佛兩肩。上佛知至意，讚菩薩言：汝無數劫所學清淨降心，棄命捨欲守空，不起不滅，無猗之慈，積德行願，今得焉。因記之。汝自是後九十一劫劫，踰為賢，汝當作佛，名釋迦文。

菩薩於生死

晉譯華嚴經第六賢首菩薩品曰：爾時文殊師利以偈問了達深義淨德賢首菩薩曰：佛子，我已說菩薩清淨行一切諸世尊咸共所讚歎。又諸大士眾甚深微妙行功德廣大義仁者，應演說賢首菩薩答佛子善諦聽菩薩諸功德無量無有邊。我當隨力說菩薩少功德，我之所演暢如海，一微滴。菩薩於生死最初發心時，一向求佛道，堅固不可動。彼一念功德深廣無邊際，如來分別說窮劫猶不盡。何況於無量無數無邊劫，具足修諸度諸地功德行十方世界中一切。

諸如來說彼功德雲亦不能究竟今我說菩薩功德
中少分如鳥履虛空如地一微塵非是無所因又亦
非無緣菩薩初發意直心大功德於佛及法僧深起
清淨信信敬三寶故能發菩提心不求五欲樂富貴
諸財利亦不求自安怖望世名聞滅除衆生苦令盡
無有餘誓度斯業類菩薩初發心常欲令衆生離苦
求安樂嚴淨一切刹供養無量佛樂立佛正法欲得
無上道淨修一切智菩薩初發心

造像起塔

佛說華手經第九不退行品曰佛言又舍利弗菩薩

有四法終不退轉無上菩提捨身當爲轉輪聖王得
隨意福得大身力如那羅延作轉輪王捨四天下而
行出家既出家已能得自在修四梵行命終當得生
梵世上作大梵王何謂爲四舍利弗菩薩若見塔廟
毀壞當加修飾乃至一塊若一搏泥是爲初法乃至
得作大梵天王又舍利弗菩薩若於四衢道中多人
觀處起佛塔廟造立形像爲作念佛功德因緣若轉
法輪及出家相若坐道場若壞魔軍若現神通若般
泥洹若從天上來下之相是第二法乃至得作大梵
天王乃至

廣說

念佛讀經

禪門祖偈下卷云八溢聖解脫門禮佛敬佛德念佛感佛恩持戒行佛行看經明佛理坐禪達佛境參禪合佛心得悟證佛道說法滿佛願實際理地不受一塵佛事門中不捨一法然此八事猶如四方四隅關一不可前聖後聖其揆一也六波羅蜜亦須兼行六祖云執空之人滯在一隅謂不立文字自迷猶可又謗佛經罪障深重可不戒哉

第五十四優曇華卷

優曇華

華嚴經音義卷四云優曇華此云希有也此華多時乃一開也名義三云優曇鉢羅此言瑞應泥洹經云閻浮提內有尊樹王名優曇鉢有寶典華優曇鉢樹有金華者世乃有佛

佛言譬如

妙經方便品偈

雪裏梅花

淨祖清涼寺臘八上堂出

桃花落

淨祖天童錄上堂出

雲中拍水底吹

傳燈三十卷雲頂德敷語默難測偈云默坐冥然聖
莫知音縱音言音無物音比音方音伊木人把板雲中拍石女會笙
水底吹若道不聞渠未曉欲尋其響音你還疑教君唱
和君須和休問宮商竹與絲

第五十五如來全身卷

佛告藥王

妙經法師品出

舍利

名義卷三云舍利新云室利羅或設利羅此云骨身

又云靈骨上已今考又名法界菩提場莊嚴陀羅尼經
云尔時文殊師利童真菩薩以如來所生法界盛於
鉢中一手捧鉢奉獻如來云云

闍維

大藏一覽卷九唐梵品云茶毗亦云闍維此云焚燒
我本行菩薩道

妙經壽量品文

智積菩薩

妙經提婆品文

第五十六虛空卷

二十空

大般若經第三。曰。彼次。舍利子。菩薩摩訶薩。欲通達
內空。外空。內外空。空空。大空。勝義空。有為空。無為空。
畢竟空。無際空。散空。無變異空。本性空。自性空。共相
空。一切法空。不可得空。無性空。自性空。無性自性空。
應學般若波羅密多。三藏法數卷四十六。解之曰。一。
內空。謂內之眼耳鼻舌身意。六根皆無自性。故名內
空。二。外空。謂外之色聲香味觸法。六塵皆無自相。故
名外空。三。內外空。謂六根六塵。六識都無自性。故名
內外空。四。空空。謂一切法皆空。此空亦空。故名空空。

五。大空。謂小乘四諦十二因緣諸法皆空。無有故名
大空。六。小空。謂須陀洹。斯陀含。阿那含。阿羅漢。四果
之相皆空。無有故名小空。七。勝義空。謂第一義之理
假立名言。悉同真性。本末空寂。故名勝義空。八。有為
空。謂欲界色界無色界。煩惱惑業。本無有為之相。故
名有為空。九。無為空。謂生住滅。三相皆空。無為寂靜
不墮諸數。故名無為空。十。畢竟空。謂有為無為諸法
一切之相。悉皆空寂。而不可得。故名畢竟空。十一。無
際空。謂一切諸法滅。無有終起。無有始起。滅之際。無
從可得。故名無際空。十二。散空。謂一切諸法。因緣假

合而成皆無和合之相故名散空十三無變異空謂一切法非常非滅不變不異法性如如了不可得故名無變異空十四本性空謂一切諸法非常非滅本性清淨離性離相故名本性空十五自相空謂五蘊之法虛幻不實了無自相故名自相空十六共相空謂一切諸法彼此之相非常非滅本來空寂故名共相空十七一切法空謂一切諸法本性皆空非常非滅了不可得故名一切法空十八不可得空謂過去現在未來三世一切諸法皆無所有了無可求之相故名不可得空十九無性空謂一切諸法悉皆空假

皆無實性故名無性空二十自性空謂一切諸法非常非滅性本自空故名自性空
和考此解除無性自性空別加小空
八萬四千空

華嚴孔目出八萬四千塵勞賢劫經說八萬四千法門解云此之法門為三界無上良藥為百千種人除八萬四千塵勞也二件出三藏法數

把西堂鼻孔

傳燈第六石鞏藏禪師章出

西山亮座主

傳燈卷八出

第七祖傳法偈

傳燈卷一出

使得十二時

趙州錄出

第五十七安居卷

安居

按安居方法小大異旨趣小乘安居具載于南山行事鈔卷上也大乘安居則見千圓覺經也圭峰疏云小大安居易有八異一取依異別界圓覺二假實異定實示現三住持異事相實相四結安異對首作

法獨自稱名五成安異身不出界心不起念六失安異身出越界念起皆本七還界異身不逾時及界念不間斷而覺悟八取期異阿羅漢果無上菩提

先師古佛小恭

淨袒錄卷下出

萬里無寸草

宏智錄頌古第八十九則出

九十日飯錢

雲門廣錄上卷云僧問初秋夏末前程忍有人問如何祇對師云大眾退後進云過在什麼處師云還我

九十日，飯錢來。

死心九十日

續傳燈第二十八平江府虎丘雪底元淨上堂知有，
底人過萬年，如同一日。不知有者過一日，如同萬年。
不見死心和尚道，山僧行脚三十餘年，以九十日為
一夏，增一日，也不得減一日，也不得取，不得捨，不得
不中得，中祇麼得。翠雲見處，又且不然。山僧行脚三
十年來，誰管他。一日九十日也，無得也，無不得處。處
當來見彌勒，且道彌勒在甚麼處。金風吹渭水，落葉
滿長安。

劫波

名義第三云劫數大論。秦言分別時節雜阿含經第
三十四曰：譬如鐵城，方一由旬，高下亦爾。滿中芥子，
有人百年取一芥子，盡其芥子，劫猶不竟。又云如大
石山，不斷不壞，方一由旬，若有士夫以迦尸劫貝，百
年一拂，拂之不已，石山遂盡，劫猶不竟。

摩竭掩室

禪類卷十四出今考諸佛要集經卷上云佛遊摩竭
國，奈叢樹間於其鄉土北有山名曰因沙舊此言帝
樹石室與大比丘衆俱，比丘五千菩薩二萬皆不退轉不起。

法忍身口意定總攝三世獨步三界開化衆生應病與藥各令得所文殊師利彌勒菩薩等復有諸天八萬四千悉志佛道今時四部弟子各往詣佛雖欲聽經不能專精厭所講法各各忽忽多所慕求追逐五濁以為事業佛心念言衆人患厭所宣道教不肯復來咨受法言不見如來不聞正法不入心身心不思惟不能修立佛自念言吾欲示現如像宴處不自現形到他方佛土與諸佛俱宣講諸佛之要集佛復觀之諸佛世尊會於何方輒觀東方去是八萬四千億諸佛世界國名普光佛號天王如來至真等正覺現

在說法諸佛會彼佛告阿難如來當入因沙舊室宴坐三月諸天龍神阿湏倫迦留羅真陀羅摩睺勒人與非人若有來者鮮喻其意勿令入室乃至若阿難若有比丘比丘尼清信士清信女諸天龍神阿湏倫迦留羅真陀羅摩睺勒人若非人來到介所如來至真而在宴坐沙當為說如是道教法難可過了義亦難人身難得經道希有如來興世却數時出能信如來所宣經法出為道見善師友能從啓受精進愛樂亦復難遭云云

無言說之證

摩論第四涅槃無名論曰所以釋迦掩室於摩竭淨
名杜口於毘耶須菩提唱無說以顯道釋梵絕聽而
雨華斯皆理為神御故口以之默豈曰無辨辨所不
能言也頭陀寺碑文出王簡文選云掩室摩竭用啓息
言之津杜口毗耶以通得意之路

言語道斷心行處滅

維摩經弟子品曰法無名字言語道斷故楞伽經曰
有無俱是邊乃至心所行彼心行滅已名為正心滅
可憐三尺龍泉劍

頌古聯珠集佛性泰頌疎山有句無句云樹倒藤枯

意若何瀉山開口笑呵呵可憐三尺龍泉劍喚作陶
家壁上梭龍泉劍名蒙求下出壁上事類前集四曰
晉陶侃少時漁於雷澤嘗網得一織梭以挂于壁有
頃雷雨自化為龍去

初利天安居

佛昇初利天為母說法經卷上曰一時佛在初利天
歡喜園中波利質多羅樹下三月安居與大比丘眾
一千二百五十人俱乃至佛告文殊師利童子汝詣
母所道我在此願母暫屈禮敬三寶畧文殊師
利童子受佛教勅即便往至摩訶摩耶所具以佛言

而往，白之，并誦如來所說之偈。時摩訶摩耶聞此語，已乳自流出，而作此言。若審決定是我所生，悉達多者當令乳汁直至其口。作此語，已兩乳漙出，猶如白蓮華，而便入於如來口中。時摩訶摩耶既見之，已踊躍遍身，云云。

梵網冬安居

不行利樂戒云。若佛子，常應教化一切衆生，建立僧坊、山林、園田，辛作佛塔。冬夏安居坐禪處所，云榮西興禪護國論下云。夏冬安居謂四月十五日結夏七月十五日解夏，又十月十五日受歲，正月十五日

解歲二時，安居并是聖制也。不可不信行我國此儀絕久矣。大宋國比丘二時安居無闕，怠不安居而稱夏臘之二名，佛法中可笑也。

清規

禪苑清規，二結夏章語。

旦過

禪苑清規有旦過章十利圖，有旦過額云，雲水憇雲度雲過雲飛錫宿覺宿雲等。

聖僧

顯戒論卷中曰。青丘大賢梵網古迹云。又聞西域諸

小乘寺以賓頭盧爲上座，諸大乘寺以文殊爲上座，合衆共持菩薩戒，羯磨說戒皆作菩薩法事，菩薩律藏常誦不絕，又云不空三藏表制集二曰：伏望自今已後，令天下食堂中於賓頭盧上特置文殊師利形像，以爲上座，詢諸聖典，具有明文云云。

巡察

僧祇律云：世尊以五事，故五日一按行僧房。一、恐弟子著有爲事，二、恐著俗論，三、恐著睡眠，四、爲看病僧，五、令年少比丘觀佛威儀，生歡喜，故。

五部

名義集卷四出

震旦九宗

一、俱舍二、成實三、律宗四、三論五、天台六、華嚴七、法相八、真言九、禪宗。此九宗在支那加之淨土，則爲十宗。日本今有十宗，見元亨釋書。

梵壇

增一阿含經三十七曰：當云何與車匿比丘從事？世尊告曰：當以梵法罰之。阿難白：佛言云何梵法罰之？世尊告曰：不應與車匿比丘有所說，亦莫言善，亦莫言惡。然此比丘亦復不向汝當有所說。阿難白：佛言

設不究事者此則犯罪不重乎世尊告曰但不與語
即是梵法之罰然由不改者當將詣衆中諸人共彈
使出莫與說戒亦莫與法會從事尔時世尊便說此
偈欲與彼怨家而報其怨者恆念莫與語此惡無過
者名義集十三曰梵壇此云默擯

大祖正宗普覺

傳燈錄卷三曰第二十九祖慧可大師唐德宗謚大
祖禪師續燈錄曰謚正宗普覺禪師

圓相佛性

傳燈錄卷一第十四祖龍樹章出

露命

佛說鹿母經偈云一切恩愛會皆由因緣合合會有
別離無常難得久畧命如露着性

圓覺菩薩

圓覺經出

文殊一處安居

大方廣寶篋經卷下曰大德迦葉語舍利弗我亦曾
見文殊師利希有神通舍利弗爾時世尊成佛未久
我久出家是時文殊師利童子始初至此娑婆世界
從寶王世界寶相佛所來欲見佛釋迦牟尼供養恭

敬爾時世尊在舍衛國祇陀林中給孤窮精舍夏坐
三月我時不見文殊師利若如來前若衆僧中若於
食時若說戒日若僧行次都不見之過三月已臨自
恣時乃見其面我即問言文殊師利何處夏坐即答
我言大德迦葉我住在是舍衛大城波斯匿王后宫
一月後一月住童子學堂後一月住諸婬女舍我聞
是已心甚不悅即作是念云何當共是不淨人而作
自恣我即出堂便擊捷椎欲擯文殊師利童子尔時
世尊即告文殊師利童子汝往看是摩訶迦葉今若
何故打捷椎也白言世尊我已見之欲擯於我佛語

文殊師利童子今可現汝自在神力神通境界令彼
聲聞心得清淨勿於汝所生不淨心於是文殊師利
童子即入三昧其三昧名現一切佛土文殊師利入
三昧已十方各如恆河沙等諸佛世界其中皆有摩
訶迦葉頭陀第一悉打捷椎于時世尊即問我言摩
訶迦葉汝今何故打捷椎我言世尊文殊師利自
說是言夏三月中住王后宫及婬女舍爲擯是故打
於捷椎爾時世尊身放光明徧照十方而告我言汝
今徧觀十方世界爲見何事我時徧觀無量無邊恆
河沙等十方世界其中皆有摩訶迦葉而打捷椎欲

擯文殊是一切處亦有文殊在佛前坐佛告我言沙
今欲擯何處文殊為此世界為十方界我時即禮佛
世尊足作如是言聽我悔過世尊是文殊師利法王
之子成就菩薩如是不思議功德我從佛所成有
量智而欲度量無量智慧以不知故而打捷椎佛告
我言摩訶迦葉汝之所見十方世界文殊師利亦復
夏三月住王后宮及媼女舍此間文殊師利童子令
是波斯匿王宮中五百女人不退阿耨多羅三藐三
菩提亦令五百媼女五百童子得不退轉無上正道
復有百千衆生以色聞法而伏之無量衆生得生天

上
長文

合殺

殺音薩散也唐崔令欽教坊記云宜春院亦有工拙
必擇尤者為首尾首既引隊衆所屬目故須能者樂
將闕稍稍失隊餘二十許人舞曲終謂之合殺尤要
快健所以更須能者也

金也頭陀

付法藏經云嘗於久遠劫中毗婆尸佛入涅槃後四
衆起塔塔中像面上金色有小缺壞時有貧女將金
珠往金師所請飾佛面既而因共發願願我三人為

無姻夫妻，由是因緣九十一劫身皆金色，後生梵天。天壽盡，生中天摩竭陀國，婆羅門家，名曰迦葉波。此云飲光勝尊，蓋以金色為號也。

威音空王

法華六常不輕品出

頂額量

佛阿毘曇經卷上出家相品曰：以一千阿僧祇世界衆生所有功德成佛，一毛孔如是成佛，一毛孔功德遍如來身毛孔，功德成佛，一好如是成就八十種好，功德增為百倍，乃成如來身上一相，所成就三十二

相功德增為千倍，乃成如來額上，一白毫相，以一千毫相功德增為百倍，乃成如來一頂骨相，一切飛天所不能見。頂如是，不思議清淨，功德聚成就佛身，是故如來於天人中最為尊勝。

石室安居

續高僧傳卷四玄奘傳云：自山東北百有餘里至佛陀伐那山，有大石室，佛曾遊此。天帝就石塗香，以供行至其處，今猶郁烈不遠。山室可受千人，如來三月於中坐夏，疊石為道，廣二十步，長五里許，即頻毗沙羅修觀上山之所由也。

自山者鷄足山也

嚙齧

太平廣記第二百二十七卷云隋未有督君謨者善
閉目而射志其目則中目志其口則中口有王靈智
者學射於謨以為曲盡其妙欲射殺謨獨檀其美謨
執一短刀箭來輒截之唯有一矢謨張口承之遂齧
其鏑笑曰汝學射三年吾未教汝嚙齧之法又西陽
雜俎出

第五十八出家功德卷

龍樹菩薩言

大論卷十三出

復次佛法中

此文續前出大論卷十三

醉婆羅門

大論十三卷續上文

四洲統領

長阿含經第六曰人壽增至八萬四千歲時有金輪
王出統領北鬱單越等四洲以十五日沐浴昇殿有
金輪宝忽現於前輪有千輻光色具足若王欲往東
方輪則東轉王乃將諸兵衆隨其後行金輪宝前又
有四神引導輪所住處王即止駕南西北方隨輪所

至亦彼如是於四天下普勸人民修十善道是名金輪王

輪王捨國學道

摩異調王經曰昔者有王名曰摩調時號遮迦越王主四天下以正法治不狂人民常行慈心視民如赤子人壽八萬歲王有七室又有千子鞭杖不行民無詞訟莫不變化王欲行四方隨意即至數千萬人隨後而飛不持刀兵人民鬼神皆自歡喜語持衛者頭髮生白甲以告我待人言生白王曰太子告言我頭生白衰老將至今立汝為王王曰天下皆屬於汝汝

後亦應厭於世樂當行求道王即棄國除髮學道時諸臣民皆大啼哭摩調子孫相傳持國千八十四王髮白學道摩調王千八十四世後復出為人還續王位名啗長文

出家功德勝七寶塔

賢愚因緣經第四出家功德尸利苾提緣品曰佛在摩伽陀國王舍城迦蘭陀竹園中爾時世尊讚歎出家功德因緣其福甚多若放男女若放奴婢若聽人民若自己身出家入道者功德無量布施之報十世受福六天人中往返十剎猶故不如故人出家及自

出家功德爲勝何以故布施之報福有限極出家之
福無量無邊又持戒果報五通神仙受天福報極至
梵世於佛法中出家果報不可思議乃至涅槃福故
不盡假使有人起七寶塔高至三十三天所得功德
不如出家何以故七寶塔者貪惡愚人能壞破故出
家之法無有毀壞欲求善法除佛法已更無勝故如
百盲人有一明醫能治其目一時明見又有百人罪
應挑眼一人有力能救其罪令不失目此二人福雖
後無量猶亦不如聽人出家及自出家其德弘大何
以故雖能施於二種人且此人唯各獲一世利又肉

眼性惟有敗壞聽人出家若自出家展轉示導眾生
永劫無上慧眼慧眼之性歷劫無壞何以故福報人
天之中自恣受樂無窮無盡畢成佛道所以者何由
出家法滅魔眷屬增益佛種摧滅惡法長養善法滅
除罪垢顯無上福業是故佛說出家功德高於須彌
深於大海廣於虛空若使有人爲出家者作諸留難
令不從志其罪甚重如夜黑闇無所覩見是人罪報
亦復如是入深地獄黑闇無目譬如大海江河百流
悉投其中此人罪報亦復如是一切諸惡皆集其身
如須彌山劫火所燒無有遺餘此人亦爾地獄火燒

無有窮已譬如迦留樓醯尼藥極爲苦毒若等斤兩
比於石蜜彼善惡報亦從如是聽人出家若自出家
功德最大以出家人以修多羅爲水洗結使之垢能
滅除生死之苦爲涅槃之因以毘尼爲足踐清戒之
地阿毘曇爲目觀世善惡恣意而遊步八正之路至
涅槃之妙城以是義故故人出家若自出家若老若
少其福最勝爾時世尊在王舍城迦蘭陀竹園時王
舍城有一長者名尸利苾提此言福藏其年百歲聞出家
功德如是無量便自思惟我今何不於佛法中出家
修道即辭妻子奴婢大小乃至廣說得阿羅漢果此因緣有始終

十三

一彈指六十五刹那

大論卷十五云彼次一切有法二種也法無色法也
法分性乃至微塵散滅無餘如檀波羅蜜品破施物
中說無色法五情所不知故意情生住滅時觀故知
心有分有分故無常無常故空空故非有彈指頃有
六十時一一時中心有生滅相續生故知是貪心瞋
心是痴心是信心清淨智慧禪定心行者觀心生滅
如流水燈焰此名入空智明何以故若一時生餘時
中滅者此心應常何以故此極少時中無滅故若一

時中無滅者應終始無滅

金剛不壞佛果

大般若經卷五百七十八云如是我聞一時薄伽梵
妙善成就一切如來金剛住持平等性智種々希有
殊勝功德已能善獲一切如來灌頂寶冠超過三界
已能善得一切如來徧金剛智大觀自在已得圓滿
一切如來決定諸法大妙智印已善圓證一切如來
畢竟空寂平等性印於諸能作所作事業皆得善巧
成辦無餘一切有情種々希願隨其無罪皆能滿足
已善安住三世平等常無斷盡廣大徧照身語心性

猶若金剛等諸如來無動無壞

日月燈明八子

妙經序品出

大通十六子

妙經化城喻品出

妙莊嚴王二子

妙經妙莊嚴王本事品出

千釋迦出家二萬釋迦出家

善見毘婆沙律第十七曰爾時輸頭檀那大王心自
念言我子初出家日自唱言我若成佛當還此國王

憶此語心自念言我子成佛已來王恒側耳聽聞子
苦行竟往菩提樹下得道已往波羅奈國轉四諦法
輪度阿若憍陳如等五人出家今往摩竭國我今年
老及今生存宜見我子作是念已卽喚一臣語言我
聞人言我子以成佛今住摩竭國汝可將千人往迎
汝至彼語我子言我今年老欲得相見臣受王語已
卽將千人前後圍繞往摩竭國到已往至佛所頭面
禮足却坐一面是時世尊觀千人心已却卽爲說法
時个人得聞法已卽得羅漢佛喚善耆比丘卽得具
足戒比丘比丘得羅漢已入果三昧受解脫樂卽於

此住不復欲還王遣信已遲望不還又無消息王復
遣臣往如是次第遣八臣往一臣各將千人至世尊
所皆悉出家得羅漢果無有一人還報王者王自念
言我遣八臣去無有一人還報我者王自籌量我今
更遣誰去耶時有一臣名曰迦留陀夷與菩薩同日
生王卽遣迦留陀夷往迎佛如前遣八臣語無異迦
留陀夷先與王夢若王許我出家者我當往迎王答
言善迦留陀夷受王語已復將千人往彼佛爲說法
卽得羅漢佛喚善耆比丘得具足戒時迦留陀夷見
耆耑結秀草木水陸花出敷榮時節和適以六十偈

讚歎道路佛知而故問迦留陀夷汝爲何事而讚歎
道路迦留陀夷答世尊言輸頭檀那大王遣我來者
欲有所白佛言聽汝所說白世尊言父王言我今年
老及今世存欲見如來故遣我來奉迎世尊惟願哀
愍大王故時可去矣佛語迦留陀夷汝可宣令諸諸
比丘佛欲遊行各自料理莊嚴隨佛遊行是時央伽
摩竭國有十千比丘從迦維羅衛國來迎佛者有十
千比丘都合二萬比丘皆得阿羅漢從摩竭國前後
圍繞隨佛出城摩竭國去舍衛國六十由旬世尊漸
漸遊行經六十日至舍衛國時佛世尊日日朝中恆

食父王供所以得食父王供者時迦留陀夷時到著
衣持鉢飛騰虛空往至舍衛國白父王言世尊以至
某處時父王爲迦留陀夷設食以盛滿鉢飯授與迦
留陀夷願大德可以此鉢飯奉上世尊如是日日恆
爲世尊迎食迦留陀夷食父王食已向父王及諸釋
子讚歎如來功德諸釋子聞讚歎如來功德倍增信
心諸釋子即聚集自共籌量世尊不樂憤開我等當
爲世尊求覓靜處造立精舍時彌瞿陀釋子有一園
不近不遠可立精舍時諸釋子人人各各共出財物
爲佛起立精舍精舍成已父王將諸釋子人人各齎

持香華奉迎世尊到已父王及釋子中有大佛者不
為佛作禮若有小佛者為作禮爾時世尊見父王及
諸釋子中有不為佛作禮者佛知諸釋子意即上昇
虛空作十八變如降伏外道作神力無異王及諸釋
子見佛神力如此自然為佛作禮輸頭檀那王禮已
白佛言我今第三禮如來足何謂第三禮如來足一
者佛初生時阿夷相曰若在家者應作轉輪聖王若
出家學道必得成佛是時地為振動我見神力如是
即為禮拜第二者我出遊戲耕田菩薩在閻浮樹下
日時已晡樹影停住不移覆菩薩身我見神力如是

即為作禮今者見佛神力如是是名第三禮如來足
輸頭檀那王禮如來足時一切諸釋子皆隨作禮無
有一人立住者

須跋出家

大論卷三云須跋陀梵志年百二十歲得五神通阿
那跋達多池邊住夜夢見一切人失眼裸形冥中立
日墮地破大海水竭大風起吹須彌山破散覺已恐
怖思惟言何以故尔我命欲盡若天地主欲墮猶豫
不能自了以有此惡夢故先世有善知識天從上來
下語須跋陀言汝莫恐怖有一切智人名佛後夜半

當入無餘涅槃是故汝夢不爲汝身是時須跋陀明
日到拘夷那竭國樹林中見阿難經行語阿難言我
聞汝師說新涅槃道今日夜半當取滅度我心有疑
請欲見佛決我所疑阿難答言世尊身極妙若難問
勞擾世尊須跋陀如是重請至三阿難答如初佛遙
聞之勅語阿難聽須跋陀梵志未前自在難問是吾
未後共談最後得道弟子是時須跋陀得前見佛問
訊世尊已於一面坐如是念諸外道輩捨恩愛財寶
出家皆不得道獨瞿曇沙門得道如是念竟即問佛
言是閻浮提地六師輩各自稱言我是一切智人是

諸實不尔時世尊以偈答曰我始年十九出家學佛
道我出家已未已過五十歲淨戒禪智慧外道無一
分少分尚無有何況一切智若無八正道是中無第
一果第二第三第四果若有八正道是中有第一果
第二第三第四果須跋陀是我法中有八正道是中
有第一道果第二第三第四道果餘外道法皆空無
道無果無沙門無婆羅門如是我大衆中實作師子
吼須跋陀梵志聞是法得阿羅漢道思惟言我不應
佛後般涅槃如是思惟竟在佛前結跏趺坐自以神
力身中出火燒身而取滅度

毘舍首陀

增一阿含經第三十四云世尊便說頌言初有利利
種次有婆羅門第三名毘舍次彼首陀姓有此四種
姓漸漸而相生皆是天身來而同為一也

五百羅漢造

藏經目錄小乘論下云阿毘達磨大毘婆沙論二百
卷五百大羅漢等造唐玄奘譯

婆沙一百二十

大毘婆沙論第一百二十曰謂諸聖者住胎藏中成
身及業聖有二種一世俗二勝義得此善根多世俗

聖若入聖道名勝義聖發心出家尚名聖者况得悉
法

五百大願

悲華經中及大悲芬陀梨利經中漫說

著袈裟片

大方等大集月藏經卷八忍辱品云是故我今於如
是等諸衆生中於阿耨多羅三藐三菩提而成正覺
一切世間天人中最以大悲故建立一切諸聲聞衆
爲上福田所謂得向八大丈夫以是緣故所有衆生
於現在世及未來世應當深信佛法衆僧彼諸衆生

於人天中當得受於勝妙果報不久當得入無畏城
如是乃至供養一人為我出家乃有依我剃除鬚髮
著袈裟片不受戒者供養是人亦得乃至入無畏城
以是緣故我如是說若復有人為我出家不持禁戒
剃除鬚髮著袈裟片有以非法惱害此者乃至破壞
三世諸佛法身報身乃至盈滿三惡道故是故我今
如是告汝若有愛已求樂離苦應當精勤護持
穀食
熾然法眼紹隆三宝令不斷絕以是因緣從此當得
無量福報

打縛斫截

大方等大集月藏經卷第八忍辱品曰爾時復有無
量億百千眾生悲淚滿目瞻仰如來作如是言我今
觀諸大悲世尊所有解脫出於三界一切諸道生死
牢獄捨於渴愛離世八法乃我之所憍慢煩惱離於
一切十二有支知一切法猶如虛空住不顛倒常於
眾生起大悲心然諸如來為眾生故令此法眼及三
寶種於此娑婆久住不滅故加護持如來今復以諸
天龍夜叉羅刹乾闥婆緊那羅迦樓羅摩睺羅伽鳩
槃荼餓鬼毘舍遮富單那迦吒富單那人非人等寄
付諸佛及諸菩薩彼諸眾生現在未來若布施若持

戒若修定慧於此佛法精勤相應寄付諸佛及菩薩
摩訶薩等為滿六波羅蜜令得阿耨多羅三藐三菩
提故若有眾生厭苦求樂無不於現在世及未來世
方便精勤護持養育熾然法眼紹三寶種而能得之
佛言如是如是如汝所言若有愛已厭苦求樂應當
護持諸佛正法從此當得無量福報若有眾生為我
出家剃除鬚髮被服袈裟設不持戒彼等悉已為涅
槃印之所印也若後出家不持戒者有以非法而作
惱亂罵辱毀訾以手刀杖打縛斫截若棄衣鉢及棄
種々資具者是人則壞三世諸佛真實法身則挑一
切人天眼目是人為欲隱沒三世諸佛所有正法三
寶種故令諸天人不得利益墮地獄故為三惡道增
長盈滿故

出家日成菩提

大品般若經第一序品云後次舍利弗菩薩摩訶薩
若欲出家日即成阿耨多羅三藐三菩提即是日轉
法輪轉法輪時無量阿僧祇眾生遠塵離苦諸法中
得法眼淨無量阿僧祇眾生一切法不受故諸漏心
得解脫無量阿僧祇眾生於阿耨多羅三藐三菩提
得不退轉當學般若波羅蜜

菩薩斷髮

佛本行集經第十八剃度染衣品十曰爾時太子從車匿邊索取摩尼雜飾莊嚴七室鞞刀自以右手執於彼刀從鞞拔出即以左手攬捉紺青優鉢羅色螺髻之髮右手自持利刀割取以左手擎擲置空中時天帝釋以希有心生大歡喜捧太子髻不令墮地以天妙衣兼受接取爾時諸天以彼勝上天諸供具而供養之爾時淨居諸天大衆去於太子不近不遠有一華鬘名須曼那其須曼那下化作一淨髮師執利剃刀去於太子不遠而立太子見已作如是言謂淨

髮師汝能為吾淨髮以不其淨髮師報太子言我甚能為太子報言汝若能者今可知時爾時彼化淨髮之師即以利刀剃於太子無見頂相紺螺髻髮當剃頭時帝釋天王生希有心所落之髮不令一毛墜墮於地一一悉以天衣兼之受已拊向三十三天而供養之從此已未今諸天上因立節名名供養菩薩髮髻冠節至今不斷云云

第五祖出家

傳燈卷一出

十七祖出家

傳燈卷三出

南岳讓

傳燈卷五出

盤山室積

傳燈卷七出

臨濟出家

臨濟錄出

善星比丘

大般涅槃經第三十三

幅十三

曰善男子如來具足知

諸根力是故善能分別衆生上中下根能知是人轉

下作中能知是人轉中作上能知是人轉上作中能
知是人轉中作下是故當知衆生根性無有決定以
無定故或斷善根斷已還生若諸衆生根性定者終
不先斷斷已復生亦不應說一闡提輩墮於地獄壽
命一劫善男子是故如來說一切法無有是相迦葉
菩薩白佛言世尊如來具足知諸根力定知善星當
斷善根以何因緣聽其出家佛言善男子我於往昔
初出家時吾弟難陀從弟阿難調婆達多子羅睺羅
如是等輩皆悉隨我出家修道我若不聽善星出家
其人次當得紹王位其力自在當壞佛法以是因緣

我便聽其出家修道善男子善星比丘若不出家亦斷善根於無量世都無利益今出家已雖斷善根能受持戒供養恭敬耆舊長宿有德之人修習初禪乃至四禪是名善因如是善因能生善法善法既生能修習道既修習道當得阿耨多羅三藐三菩提是故我聽善星出家善男子若我不聽善星比丘出家受戒則不得稱我為如來具足十力善男子佛觀衆生具足善法及不善法是人雖具如是二法不久能斷一切善根具不善根何以故如是衆生不親善友不聽正法不善思惟不如法行以是因緣能斷善根具

不善根善男子如來復知是人現世若未來世少壯老時當近善友聽受正法苦集滅道爾時則能還生善根善男子譬如有一泉去村不遠其水甘美具八功德有人熱渴欲往泉所邊有智者觀是渴人必定無疑當至水所何以故無異路故如來世尊觀諸衆生亦復如是是故如來名為具足知諸根力

閻摩王願出家

起世因本經卷第四地獄品曰當闍浮洲南二鐵圍山外有閻摩王宮殿住處縱橫正等六百由旬七重牆壁七重欄楯七重鈴網其外七重多羅行樹周而圍繞襍

也可觀七室所成於其四方各有諸門一一諸門皆有却敵樓櫓臺殿園苑華池有種上美果彌滿香風遠薰衆鳥和鳴王以惡業不善果故於夜三時及晝三時自然有赤融銅汁在前出生其王宮殿即變為鐵五欲功德皆沒不現王見此已怖畏不安諸毛皆豎即便出外若枉宮外即走入內時守燼者取閻摩王高舉撲之置熱鐵地上其地熾然極大猛盛光焰炎赫撲令卧已即以鐵鉗開張其口赤融銅汁瀉置口中時閻摩王被燒唇口次燒其舌後燒咽喉後燒大腸及小腹等次第焦然從下而出爾時彼王作如

是念一切衆生以於往昔身作惡行口作惡行意作惡行并餘衆生同作業者皆受此苦願我從今捨此身已更得身時但於人間相逢受生於如來法中當得信解剃除鬚髮著袈裟衣得正信解從家出家既出家已願得通證生死已盡梵行已立所應作者皆已作訖更不獲於後世受生發如是業熏習善念即於所住宮殿還成七寶猶如諸天五欲功德現前具足以三業善便得快樂

出家行四依

四分律卷四十八卷長畧云一著糞掃衣二常行乞

食三樹下坐四用陳齒藥又亦出佛阿毘曇經下卷

師子頰王孫

僧祐釋迦譜第六曰釋種尸休羅王又曰師子頰王是也有四子一名淨飯二名白飯三名斛飯四名甘露飯淨飯有二子一名菩薩二名難陀白飯有二子一名阿難二名調達斛飯有二子一名摩訶男二名阿那律甘露飯有二子一名婆婆二名跋提祐依長阿含智度論十二遊經彌沙塞部曇無德律等畧出

離車

名義卷二云離車翻為皮薄又云同皮或名彌戾車此翻仙族王又云邊地主

羅睺羅出家 五旃提羅

未曾有經卷上曰佛告目連汝往迦毘羅城問訊我父我叔及我姨母慰諭羅睺羅母令割恩愛放羅睺羅使作沙彌母子恩愛歡樂須臾死隨地獄各不相知羅睺得道當還度母永絕生死如我今也目連至國具陳佛意耶輸陀羅聞佛遣使來取羅睺將登高樓約勅監官好閉門閤悉令堅牢目連飛上耶輸陀羅不得已作禮問曰世尊無恙遣上人來欲何所為

目連曰太子羅睺年已九歲應今出家修學聖道具
陳佛意答曰釋迦如來為太子時娶我為妻奉事太
子如事天神未滿三年捨五欲樂騰越宮城逃至王
田自約得道誓願當歸得道還國都不見親忘忽思
舊劇於路人使我守孤抱窮今說我子為其眷屬所
酷如之太子成道自言慈悲今別母子何慈之有還
向世尊說我所陳目連辭退淨飯王所具宜上事王
聞是語即告夫人波闍波提我子悉違違迎羅云修
學聖法其母女人愚癡纏着愛無難捨卿可往諫令
其心悟夫人反覆再三耶輸陀羅猶故不聽白夫人

曰我在家時八國諸王競來見求父母不許以太子
才藝過人是故父母將我與之太子欲不作世何故
慇懃苦求我耶夫人取端正為恩好子孫相續世之
正禮太子既去彼索羅睺永絕國嗣有何義哉夫人
聞是默然無言佛遣化人宮中言曰汝憶往古誓不
我違菩薩以五百銀錢從汝買五華華上定光佛汝
求寄二華乞世世生處常為君妻我語汝言我為菩
薩一切布施汝即立誓世世所生國城妻子乃至自
身隨君施與何故今日愛惜羅睺耶輸陀羅霍然還
悟如昨所見愛子稍歇遺喚目連追相懺謝捉羅睺

手慙慙付囑泣淚而別。羅睺啓母定省世尊願母莫
愁。尋還奉觀淨飯王告諸豪族卿等各遣一子隨從
我孫。即有五十人隨從往到佛所。頭面作禮。佛使阿
難。剝羅睺頭及五十公子。悉令出家。舍舍利弗爲和
尚。大目連作闍梨。授其十戒。佛爲五十沙彌說。扇提
羅業宿世罪報。不載多皆大憂悲。咸白佛言。和尚大智
德受最上供養。小兒愚而無德。食人好施。後世受苦
如扇提羅是。故我等實懷憂慮。願佛垂愍。聽我捨道
冀免罪咎。佛言。譬如二人。飢餓忽遇主人。設美飲食
貪取過飽。一人有智。醫服吐藥。禁節消息。得免禍患。

終保年壽。一人無智。殺生祭祠。以求濟命。宿食絞切
心痛。死已生地獄。中畏罪還家。是無智人。沙有善因
遭值於我。服藥濟苦。必得不死。羅睺聞之心開。意解
佛後還宮。人疑拘夷太子棄國十有二年。何從生子
佛啓父王曰。拘夷守節清貞。信無瑕疵。化衆比丘。皆
使如佛。羅云。七歲問誰是沙父。羅云。應時直前。趣佛
作禮。以母印信。環授與世尊。長五扇提羅摩訶止觀
之一云。本若其心念念專貪。瞋癡攝之不還。拔之不
出。日增月甚。起上品十惡。如五扇提羅者。此衆地獄
心行火塗道。未若其心念念下。別釋十非。皆云念念

者謂約強盛判屬彼道初貪瞋癡其相寂甚故名爲
專用止不息名攝不還用觀不破名拔不出人怨緣
外境故攝不還內心馳流故拔不出約大分說日增
月甚據理應云念々增甚境強心重判屬上品意三
行七故成十惡下去准知言五扇提羅等者未曾有
經下卷昔五比丘嬾隨懈怠不修經書時世殺貴爲
人所輕不供養之五人議曰夫人生計隨其形儀人
命至重不可守死各共乞求辨具繩床坐曠野中掃
灑莊嚴依次而坐外形似禪內思邪濁見者謂聖因
此招供飽足有餘有一女人名曰提鞞聞之心喜莊

嚴往詣禮供請還五人便許提鞞有十頃園林流泉
浴池堂舍供餼令住終身五人又念夫人生計種種
方且求覓財物雖受施主如是供給日富歲貧迭差
一人遊諸聚落宣告衆人彼四比丘成阿羅漢種種
稱歎諸人聞已賣持供餼如是多年提鞞真心供養
福故經八千劫償其施主雖復為人諸根暗鈍無男
女根名爲石女經爾所劫償施主已佛告匿王時提
鞞者分皇后是五比丘者隨從擔輦五人者是王曰
何故只四人耶佛言其一人者常在宮中修治廁
溷夫人聞已身毛爲豎夫人師者使令擔輦如牛馬

耶佛言此是夫人福德所致善者受報惡者受殃佛
鮮喻已夫人曰何當罪畢唯願說之佛令喚宮中除
糞者未須更將至佛前立已佛曰安穩快樂無苦不
耶五人怒曰佛不知時晝夜勤苦鞭打不息有何樂
哉佛豈不知如此事耶為更問人佛言今身之苦為
比前世苦耶罪猶未畢應當懺悔修善補過吾人間
已忿怒皆佛不聽佛語佛又化身向其前立如前慰
喻如是四方四維上下皆見於佛欬怨大喚何見逼
耶佛攝化已告眾人言夫罪有二種一者業障二者
報障提羅具二故不受化夫人見已語五人曰自今

已後任意東西五人曰我等何憊而被駢棄願努使
役再三不肯皇后白佛佛言時滿當去羅云聞之曰
我是小人不堪信施欲捨道還家佛言不然如飽食
過度智者詣醫吐其宿食無智之人謂是鬼媚消費
家財宿食不消命終已後生地獄中受種種苦佛告
羅云汝畏罪還家如彼無智是故智者常近明師故
知無德受供養如彼提羅行

調達出家

中本起經卷上曰白飯王淨飯王弟有二子一名阿
難身長一丈五尺三寸一名調達身長一丈五尺四

寸大智論云跋提沙十二遊經并白淨王往至佛所
露淨飯王長子調達少子阿難見迦葉眷屬形貌醜陋即集宗室曰阿夷相言佛不
出家當作聖王王四天下左右侍從極當端正今諸
弟子大無形觀若欲為道儀望足者聽備僧數光曜
世尊咸言大善調達又名提婆達多此言天熱我王子弟今案
世榮出家居道正頓服飾極世之妙象馬車乘價直
萬金其日嚴出觀者填路冠幘隨地瞿和離所乘之
馬四脚布地而作鳥鳴相工占之餘皆得道二人不
吉俱詣佛所求作沙門剛強降伏莫不樂受

阿那律出家

四分律初分第三曰斛飯王淨飯王第三弟也有二子一名
摩訶男一名阿那律阿那律母所愛念摩訶男言諸
釋多為道我門獨不一營世業一求出家阿那律以
家事煩碎啓母出家母言跋提去者當聽汝耳求請
不已而俱許可跋提求傳七年受五欲樂阿那律言
人命無常難可得保又求一年乃至七日過七日釋
子八人優婆離第九各莊嚴寶象乘以出界脫衣乃
至象馬付優婆離曰汝依我等自治我今出家以此
衣象與汝為資生優婆離乃懸衣樹上念言取者與
之共至佛所亦求出家乞先度優婆離除我憍慢次

阿那律

跋提出家

曇無德律曰甘露飯王

淨飯王弟
四弟也

有二子一名婆娑

一名跋提跋提母所念求母出家母言阿那律出家者我亦聽汝後遂俱然往詣佛所求出家父母已許願垂濟度時跋提獨在樹下塚間思惟夜過高邑稱言甚樂甚樂其邊比丘白佛佛呼跋提問何樂跋提言我本在家內外常以刀杖自衛猶有恐怖今獨處塚間身毛不豎出離甚樂佛言善哉

香至第三子

傳燈建祖章出

水乳和合

四分戒品云凡諸比丘同一師學當須和合歡喜無諍猶如水乳於佛法中庶得增益

第五十九供養諸佛卷

本行集經

佛告目連下三條本行集經卷四受決定記品文

佛藏經淨見品

羅什所譯佛藏經卷三淨見品第八文

全出

釋迦菩薩初阿僧企耶

此文出俱舍論第十八又出婆沙一百七十卷又出
大論卷四今舉大論文大論卷四云問曰幾時名阿
僧祇答云天人中能知筭數法極數不能知是名一
阿僧祇如一一名二二名四三名九十十名百
十百名千十千名萬十萬名億千萬億名那由他千
萬那由他名頻婆千萬頻婆名迦他過迦他名阿僧
祇如是數三阿僧祇若行一阿僧祇滿行第二阿僧
祇第二阿僧祇滿行第三阿僧祇譬如筭數法筭一
乃至筭百百筭竟還至一如是菩薩一阿僧祇過還
從一起初阿僧祇中心不自知我當作佛不作佛二

阿僧祇劫心雖能知我必作佛而口不稱我當作佛
三阿僧祇中心了了自知得作佛口自發言無所畏
難我於來世當作佛釋迦文佛從過去釋迦文佛到
迦那尸棄佛為初阿僧祇是中菩薩永離女人身從
迦那尸棄佛至然燈佛為二阿僧祇是中菩薩七枚
青蓮華供養然燈佛敷鹿皮衣布髮掩泥是時然燈
佛便授其記汝當來世作佛名釋迦牟尼從然燈佛
至毘婆尸佛為第三阿僧祇若過三阿僧祇劫是時
菩薩種三十二相業因緣

涅槃經佛言

大般涅槃經第二十二光明遍照高貴德王菩薩品
二幅文

若人於塔廟

妙經方便品偈

一捻香小因大果

大論卷七云復次有小因大果小緣大報如求佛道
讀一偈一稱南無佛燒一捻香必得作佛何況聞知
諸法實不生不滅不不生不滅而行因緣業亦不
失以是事故笑

為旨比丘社針

大論卷第二十六出文

菩薩十種供養

菩薩地持經卷第六方便處供養習近無量品第十
六出

思大法華懺

法華三昧懺儀云法華三昧懺儀隋瓦官寺沙門釋
智顓軌來法華普賢觀經及諸大乘經意撰此法門
流行後代今依之懺儀係天台智者所撰永祖謂思
大所撰者天台本由思大而重撰之也懺儀第六明
禮佛方法列名中云一心敬禮法華經中未來華光

佛具足千萬光相佛等一切未來諸佛一心敬禮十方世界舍利尊像支提妙塔多寶如來全身寶塔一心敬禮大乘妙法蓮華十方一切尊經十二部真淨法寶

塔支提差別

摩訶僧祇律第三十三幅二十曰塔支提者佛住舍衛城乃至佛語大王得作支提過去迦葉佛般泥洹後吉利王為迦葉佛塔四面起室支提彫文刻鏤種種彩畫今王亦得作支提有舍利者名塔無舍利者名支提如佛生處得道處轉法輪處泥洹處菩薩像辟

支佛窟佛脚跡此諸支提得安佛華蓋供養具若有言佛貪媼瞋恚愚癡已斷用是精舍供養為得越毘尼罪業報重是名塔支提

正傳法與有部相應

俱舍界品疏云佛涅槃後四百年初健馱羅國有王名迦臘色迦其王敬信尊重佛經者日請僧入宮供養王因問道僧說莫同王甚怪焉問脇尊者曰佛教同源理無異趣諸德宣唱奚有異乎尊者答曰自五夢不祥雙林現滅百有餘歲諸部聿興雖復萬途津梁一揆是故依之脩行無不皆成聖果王聞此語因

為問曰諸部立範孰最善乎我欲修行願尊者說尊者答曰諸部懿典莫越有宗王欲修行宜遵此矣

塔法塔事塔龕

摩訶僧祇律第三十三幅十六文

令韜禪師

傳燈卷五三十四幅曰曹谿令韜禪師者吉州人也姓張氏依六祖出家未嘗離左右祖歸寂遂為衣塔主唐開元四年玄宗聆其德風詔令赴闕師辭疾不起上元元年肅宗遣使取傳法衣入內供餼仍敕師隨衣入朝師亦以疾辭終于本山壽九十五敕謚大曉禪師

師

第六十歸依三寶卷

三歸依

優婆塞戒經第五十二幅淨三歸品曰善生言世尊如佛先說有未乞者當先教令受三歸依然後施者何因緣故受三歸依云何名為三歸依耶佛言善男子為破諸苦斷除煩惱受於無上宗滅之樂以是因緣受三歸依如沙所問云何三歸依者善男子謂佛法僧佛者能說壞煩惱因得正解脫法者即是壞煩惱因真實解脫僧者稟受破煩惱因得正解脫或有說

言若如是者即是一歸是義不然何以故如來出世及不出世正法常有無分別者如來出已則有分別是故應當歸依佛如來出世及不出世正法常有無者受者佛弟子衆能稟受故是故應當別歸依僧正道解脫是名為法無師獨覺是名為佛能如法受是名為僧

禪苑清規

禪規卷八出

自誓三歸

佛說希有校量功德經云爾時長老阿難比丘在蘭

若處獨坐思惟作如是念諸善男子及善女人若能受持三歸依處作如是言我今歸依佛歸依法歸依僧得幾所功德生是念已長老阿難曰初出時於其住處即從座起齊整衣裳安庠而出往詣佛所到佛所已頂禮佛足偏袒右肩右膝著地合掌向佛而作是言世尊我於向者在空閑處如是思惟若善男子及善女人能如是言我今歸依佛歸依法歸依僧得幾所功德我實未解惟願如來分別演說令諸衆生得正知見爾時世尊告阿難言善哉善哉汝善男子真實智慧微妙能善思量能問如來如斯之義如汝

思量彼善男子及善女人若能清淨發如是心我今歸依佛歸依法歸依僧得幾所功德者諦聽諦聽善思念之吾當為汝分別解說阿難白佛唯然世尊願樂欲聞爾時世尊告阿難言此閻浮提地縱廣七千由旬形如車廂南陬北廣假使滿中須陀洹人譬如竹葦甘蔗稻麻如是一切須陀洹人其有善男子善女人滿一百年持於世間一切所有娛樂之具盡給施與復以四事具足供養恭敬禮拜乃至滅度之後救其舍利起七宝塔一一塔廟皆以香華酥油燈燭作倡伎樂繒綵幡蓋種種供養於汝意云何彼善男子善女人得福多不阿難白佛甚多世尊佛言阿難不如是善男子善女人以淳淨心作如是言我今歸依佛歸依法歸依僧所得功德於彼福德百分不及一千分不及一百千萬分不及一乃至筭數譬喻所不能及

僧那

名義集曰僧那此云弘誓摩論云發僧那於始心終大悲以赴難一云僧那大誓僧涅自誓一云僧那言鎧僧涅言著名著大鎧亦云莊嚴故大品云大誓莊嚴正言刪那訶此云甲刪捺陀此云被或云衣

切於既

謂被甲衣甲，

四種三宝

大藏法數第八舉六種三宝與此少異

不聞三宝名

妙經壽量品偈

世尊言衆人怖所逼

此文出俱舍本論第十四卷有二十四

牛戒鹿戒

大論卷二十二出

三十三天生猪中

增一阿含經第十九出又大藏一覽卷二云折伏羅漢經出云云

餓龍三蹄

大方等日藏經第十卷三歸濟龍品出

盲龍女三歸

日藏經第十同上

釋摩男一云優婆塞

大般涅槃經第三十四十二幅曰善男子我往一時住

迦毘羅衛尼拘陀林時釋摩男未至我所作如是言云何名為優婆塞也我即為說若有善男子善女人

諸根完具，受三歸依，是則名為優婆塞也。釋摩男言：世尊云：何名為一分優婆塞？我言：摩男若受三歸及受一戒，是名一分優婆塞也。我諸弟子聞是說，已不鮮我意，唱言：如來說優婆塞戒，不與受得。

帝釋生驢中

法句譬喻經第三出

帝釋拜野干受戒

未曾有因緣經卷上 五幅出

永平正法眼藏涉典錄卷六尾

七宗各大家校閱
改良說教學 假洋綴全一冊
正價廿五錢郵稅二錢

町元吞空編輯
冠註西谷名目 大本全二冊

洛陽比丘旭雅律師校閱
北陸沙門清原公譚編輯
冠註勝宗十句義論 大本全一冊

天台座主大僧正大杉實賢師題字
米國オノコト氏○中江北民居序文
真宗司教赤松連城師譯
真宗學師朝倉了昌師著
佛教開眼論 假洋綴全一冊
正價廿二錢郵稅二錢

町元吞空編輯
傍註八宗綱要 大本全二冊

義水知泉編輯
頭書天台四教義 大本全一冊
傍註美水知泉編輯 大本全二冊

高岡保著述
譬喻改良說教二百題 假洋綴全一冊
正價廿二錢郵稅二錢

橋本喜內編輯
冠註羽翼原人論 大本全一冊

本宮惠滿編輯
冠註天台四教義集註 大本全三冊

寶山梵成編輯 各篇二冊
說教落草談 各篇二冊
價三十五錢
自初篇至七篇已出版

天台四教義集註巨謬 大本全一冊

天台四教義集註半字談 大本全五冊
正價金壹圓

唯識論述記 大本二十冊

唯識論同學抄 大本三十五冊

義水知泉編輯
校本四教義集註 大本全五冊

唯識論三箇抄 大本三十一冊

唯識論義蘊記 半紙本全三冊

明治十九年新刊
十不二門指要抄會本 全二冊

各宗佛籍御經過去帖類

京都市三條通高倉東八掛屋町

出雲寺文治郎

金欄表紙四方金上等仕立

書林松栢堂

出版雕刻製本佛畫彩色表具

和漢洋新古書籍賣買

調進所

出雲寺文治郎



